

**MINISTARSTVO ZDRAVSTVA
ZENIČKO-DOBOJSKOG KANTONA**

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Sl. novine FBiH“, broj: 12/03, 34/03 i 65/13), člana 64. stav 5. alineja 3. i stav 8. Zakona o zdravstvenoj zaštiti („Sl. novine FBiH“, broj: 46/10 i 75/13), člana 1. i 2. Odluke o bližim kriterijima za imenovanje u Upravi odbor JU Dom zdravlja Breza – (Prečišćeni tekst), („Sl. glasnik Općine Breza“, broj: 2/17) i člana 32. Statuta JU Dom zdravlja Breza broj: 01-394/2012 od 13.07.2012. godine, Ministarstvo zdravstva Zeničko-dobojskog kantona objavljuje

JAVNI OGLAS

**za izbor i imenovanje kandidata na poziciju člana Upravnog odbora Javne ustanove
Dom zdravlja Breza, predstavnika Ministarstva zdravstva Zeničko-dobojskog kantona**

Objavljuje se Javni oglas za izbor i imenovanje kandidata na poziciju člana Upravnog odbora Javne ustanove Dom zdravlja Breza, predstavnika Ministarstva zdravstva Zeničko-dobojskog kantona.

Opis pozicije

Djelokrug rada Upravnog odbora propisan je članom 65. Zakona o zdravstvenoj zaštiti („Sl. novine FBiH“, broj: 46/10 i 75/13) i članom 33. Statuta Javne ustanove Dom zdravlja Breza broj: 01-394/2012 od 13.07.2012. godine.

Upravni odbor donosi Statut, imenuje i razrješava direktora, odnosno v.d. direktora zdravstvene ustanove, utvrđuje planove rada i razvoja zdravstvene ustanove, utvrđuje godišnji program rada i plan javnih nabavki, donosi finansijski plan i usvaja periodični i godišnji obračun, donosi opće akte o unutrašnjem uređenju i sistematizaciji poslova i druge opće akte u skladu sa zakonom i statutom zdravstvene ustanove, odlučuje o svim pitanjima obavljanja djelatnosti radi kojih je zdravstvena ustanova osnovana, ako zakonom nije određeno da o određenim pitanjima odlučuje drugi organ zdravstvene ustanove, usmjerava, kontroliše i ocjenjuje rad direktora, rješava sva pitanja odnosa sa osnivačem, odlučuje o prodaji, kupovini, nabavkama, investicijama, korištenju kredita, kreditiranju, donacijama, reprezentaciji, školovanju i edukaciji kadrova (izuzev specijalizacije) i otpisu stalnih sredstava iznad vrijednosti 6.000,00 KM, odgovara osnivaču za rezultate rada zdravstvene ustanove, odlučuje u drugom stepenu o prigovoru zaposlenika na rješenje direktora kojim je odlučeno o pravima i obavezama i odgovornostima iz radnog odnosa, podnosi osnivaču najmanje jedanput godišnje izvještaj o poslovanju zdravstvene ustanove, odlučuje o poslovnoj saradnji sa drugim ustanovama, preduzećima i drugim pravnim licima, odlučuje o zaključivanju ugovora sa nadležnim zavodima zdravstvenog osiguranja i vrši druge poslove u skladu sa zakonom, statutom i odlukom osnivača.

Imenovanje kandidata na poziciju člana Upravnog odbora Javne ustanove Dom zdravlja Breza, predstavnika Ministarstva zdravstva Zeničko-dobojskog kantona, vrši Općinsko vijeće Breza, na prijedlog Ministarstva zdravstva Zeničko-dobojskog kantona, koji će Općinskom vijeću dostaviti općinski načelnik.

Mandat imenovanog člana Upravnog odbora Javne ustanove Dom zdravlja Breza, predstavnika Ministarstva zdravstva Zeničko-dobojskog kantona, traje 4 (četiri) godine i može biti ponovo imenovan.

U skladu sa članom 1. Odluke o visini naknade predsjedniku i članovima Upravnog odbora JU Dom zdravlja Breza („Sl. glasnik Općine Breza“, broj: 1/12), član Upravnog odbora JU

Dom zdravlja Breza, predstavnik Ministarstva zdravstva Zeničko-dobojskog kantona ima pravo na mjesečnu naknadu, koja se isplaćuje iz sredstava zdravstvene ustanove.

Kandidati za izbor i imenovanje na poziciju člana Upravnog odbora Javne ustanove Dom zdravlja Breza, predstavnika Ministarstva zdravstva Zeničko-dobojskog kantona, moraju ispunjavati opće i posebne uvjete.

Opći uvjeti za imenovanje

1. da je državljanin Bosne i Hercegovine,
2. da je stariji od 18 godina,
3. da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije,
4. da se na kandidata ne odnosi član IX. 1. Ustava Bosne i Hercegovine,
5. da nema privatni – finansijski interes u zdravstvenoj ustanovi u čiji se upravni odbor kandiduje,
6. da nije osuđivan za krivično djelo nespojivo sa imenovanjem u upravni odbor, pet godina od dana pravosnažnosti presude, isključujući vrijeme zatvorske kazne,
7. da nije direktor zdravstvene ustanove,
8. da nije član ni u jednom upravnom odboru odnosno nadzornom odboru ustanove, zavoda, odnosno privrednog društva sa većinskim državnim kapitalom,
9. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine („Sl. novine FBiH“, broj: 12/03, 34/03 i 65/13),
10. da nije član organa zakonodavne, izvršne ili sudske vlasti ili savjetnik odnosno da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine („Sl. novine FBiH“, broj: 70/08) i
11. da mu nije izrečena zaštitna mjera zabrane obavljanja aktivnosti, tri godine od dana pravosnažnosti odluke o izrečenoj zaštitnoj mjeri.

Posebni uslovi za imenovanje

1. da imaju završen VII stepen stručne spreme pravnog, ekonomskog i zdravstvenog smjera,
2. da imaju najmanje 3 godina radnog iskustva na poslovima svoje stručne spreme,
3. sposobnost upravljanja finansijskim sredstvima i ljudskim resursima, kao i sklonost timskom radu,
4. da imaju stručno znanje iz djelatnosti zdravstvene ustanove, te da su upućeni u sadržaj i način njenog rada,
5. da imaju sposobnost upravljanja finansijskim sredstvima i ljudskim resursima, kao i sklonost timskom radu.

Potrebni dokumenti

Prijave kandidata na oglas treba da sadrže: kraću biografiju, adresu i kontakt telefon. Uz prijavu je potrebno dostaviti originalne dokumente ili ovjerene kopije dokumenata kao dokaz o ispunjavanju općih i posebnih uvjeta i to:

1. uvjerenje o državljanstvu,
2. izvod iz matične knjige rođenih ili ovjerena kopija lične karte,

3. potpisane i ovjerene izjave od strane nadležnog organa iz tačke 3. 4. 5. 7. 8. 9. i 10. Općih uvjeta za imenovanje,
4. univerzitetska diploma,
5. uvjerenje o radnom iskustvu na poslovima svoje stručne spreme i
6. uvjerenje nadležnog suda da kandidat nije lice kojem je pravosnažnom presudom suda zabranjeno obavljanje aktivnosti u reguliranom organu u koji se kandiduje.

Dokaz da kandidat nije osuđivan za krivično djelo, nespojivo sa imenovanjem na poziciju u Upravni odbor JU Dom zdravlja Breza, pet godina od dana pravosnažnosti presude, isključujući vrijeme zatvorske kazne, ovo Ministarstvo će pribaviti po službenoj dužnosti od nadležnog organa unutrašnjih poslova, za kandidate koji uđu u uži izbor.

Sa kandidatima koji uđu u uži izbor Komisija će obaviti intervju. Prije intervjua kandidati će biti pozvani da daju podatke o ranijim neposrednim rukovodiocima od kojih se mogu, eventualno, zatražiti dodatne preporuke i informacije o njihovom dosadašnjem radu i dužni su popuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja.

U slučaju kada postoje dokazi da u postupku imenovanja nisu ispoštovani principi ili postupci utvrđeni Zakonom o ministarskim, vladinim i drugim imenovanjima Federacije Bosne i Hercegovine, bilo koji kandidat ili bilo koji član javnosti može podnijeti prigovor na konačno imenovanje.

Prigovor se podnosi Općinskom vijeću Breza, u roku od sedam (7) dana od dana imenovanja, a kopija se dostavlja Ombudsmenu za ljudska prava BiH.

Lični podaci o podnosiocima prijava su tajni i mogu se prikupljati i obrađivati samo u skladu sa Zakonom o zaštiti ličnih podataka Bosne i Hercegovine („Sl. glasnik BiH“, broj: 49/06, 76/11 i 89/11).

Prijave sa traženim dokumentima se dostavljaju lično ili poštom na adresu Zeničko-dobojski kanton – Ministarstvo zdravstva, Kučukovići 2, 72000 Zenica, sa naznakom: „ZA IMENOVANJE NA POZICIJU ČLANA UPRAVNOG ODBORA JAVNE USTANOVE DOM ZDRAVLJA BREZA, PREDSTAVNIKA MINISTARSTVA ZDRAVSTVA ZENIČKO-DOBOJSKOG KANTONA – NE OTVARATI“.

Oglas ostaje otvoren 14 dana od dana njegovog posljednjeg objavljivanja, a isti će biti objavljen u „Službenim novinama Federacije Bosne i Hercegovine“ i u dnevnom listu „Dnevni avaz“.

Neblagovremene i nepotpune prijave neće se razmatrati.